

定襄縣志卷之二

建置志

續志曰先王建國郡自為封邑自為理非獨其形勢便也要以輯衆志固吾圉耳有城池以壯藩垣有堂廡以肅臨又有學校以叙彝倫諸如倉庫舖舍以及祭器書籍兵防武事與夫坊楔橋梁靡不犁然具舉傳曰築城衛君造郭守民審五庫之量考常平之制廣博士之宮習八矢之備期於富不忘教安不忘危也襄邑彈丸不列大都會或隳廢而不修若更張而彌侈皆非也圮思作作思守三時不害尚思所以恤民力哉作建置志

城池

古城周遭二十五里頽廢僅存遺址縣城在古城內北隅北齊武成河清二季周將楊忠築周遭四里七十三步卑薄不堪固守天順間屢中虜患嘉靖初知縣張榮增修隆慶元年知縣常世勲郭外

東西北三面築圍墻基廣一丈五尺高如其數時
它倥俛南面未築明年知縣李廷儒大修城池
萬 元年知縣王濯征重修西南門樓皆張九巽
記十三年知縣白璧修東西甕門各題石刻東曰
保障曰輯寧西曰慶成曰靖邊南曰保泰曰宣平
小南門曰永康廢塞北門萬 三十二年知縣王
興包修甕城各城樓題扁自記西北兩處屢多傾
圯三十六季一百三丈五尺知縣魏從周補修四

十二年九十六丈七尺知縣王立愛補修增飾各
城樓加以扁聯東內仍股肱畿輔外易賓暘西內
易保障天門外易寶成為 慶成府諱南內易天
中覽秀外仍迎薰小南門內易塞北雄觀外仍映
暉北南向仍襟帶山河題聯鎖鑰壯金湯形勝南
未誇第一山河雄帶礪輿圖北拱可無雙內扁覽
勝樓題聯樓閣嚮南開風動晉昌解愠阜財此地
有堯天舜日城垣當北塞雉高一路壯觀固圉何

處是漢柱秦關樓下扁晉陽鎖鑰北向易四塞金
湯四十四年北面東傾圮一十四丈三尺知縣董
一經補修

國朝康熙四十二年傾圮南門磚城一十三丈有奇
恭值

皇恩蠲免全省租糧知縣王時炯補修六十一年南
面傾圮磚城一十五丈四尺知縣杜瑒倡捐修葺
雍正三年秋七月霖雨彌月南面傾圮一十五丈

定襄縣誌

卷之二

建置又二

四尺北面傾圮一十七丈知縣王會隆詳請捐修
又修久圮東門樓與小南門樓二座東門樓內扁
易天衝興旺雉堞聯延樓櫓矗峙屹然壯觀焉又
以護城坍塌毀池堰衝嚙躬督畚鍤培薄增卑陂者
以平缺者以補蜿蜒盤折周匝靡遺襄雖逼邇雁
雲何煩鯁鯁過慮哉

續志曰古定襄城在今縣治城外舊傳夏后氏所
築漢爲縣後廢今縣乃其內城耳城周遭三里二

百三十四步高二丈五尺此載在郡志者歷歲彌久而規制完整且崇高巍煥鬱為巨觀實較勝於曩時云

縣治

縣治前代無攷洪武三季主簿李忠建在城西南隅累朝增飾中為堂贊政廳翼在堂西東為庫東西下列各房科如制甬道中有戒石亭戒石置儀門東北向堂後院橫冢以墻中門一座進為後

堂左廂房一間廂房後東北書房三間由廂房南開門東入堂後院宅門一座內樹屏墻後宅三間左廂房二間宅東一門摺入後院高樓三間左右廂房各三間樓後空地連築界墻再後書房三間宅左為縣丞衙典史衙在丞之南前稍東並由儀門內入右為主簿衙西房科後為獄儀門外東為土地祠西南為武庫嘉靖初知縣張榮重修建行義倉于武庫北建思奉亭于宅東自記今俱廢三

十六年知縣施元重修隆慶元年裁減縣丞改為簿衙簿舊衙廢後為諸曹公廨三間萬二年知縣王濯征重修五季知縣安嘉士扁後堂為再思建山水亭子宅後各自記又于亭左構琴鶴軒今俱廢二十一年知縣劉天建賓館于土地祠右中堂舊扁拊循萬三十二年知縣王興改應宿堂後墻門扁思補改再思為寅恭扁賓館為親仁軒題儀門外聯地僻封微漫以延袞看黑子民貧

賦重須將疴癢問蒼生萬四十二年知縣王立愛大加增修頭門橫街舊樹屏墻塞門今改徙街南街北建古晉昌坊一座三架中設門出入必關街中闢為周行人甚便之頭門北徙一丈六尺鼎新豎盖題聯方四五十里彈丸之區土瘠民疲痼瘵無時寘念為東西中路邊鄙敝邑事繁賦重拮据何日小康舊賓館湫隘土地祠不堪棲神鼎新創建改土地祠為賓館三楹高敞題好問堂有聯

何利當興何害當除諸君子嘉惠維棗願各虚心
見教有賢可事有仁可友予一人憑藉茲土寧忘
折節相資改館地為祠前豎捲棚為瞻拜位幽潔
爽塏南向各界以門墻東總一門而出儀門東西
兩隅各建廈三間為里胥監收錢糧棲泊之所儀
門兩角門修砌恢拓加題儀門聯叢蒙洪洞列為
屏百里侯封雄保障牧馬滹沱環若帶一方形勝
甲三關撤去戒石亭懸聖諭于儀門內北向護以

聯天語要在愛民蒞茲土無忘顧畏官箴不離潔
已凜彼石即是循良易應宿為忠愛題聯忠君只
是盡心夜寐夙興勤萬念總成一念無逸愛人莫
先節用民窮財彈省一分可寬萬分如傷刻題名
石于堂左右豎直指李公若星訓廉謹刑碑堂後
左豎門一座題仕學軒從東入北折而抵書房撤
塞舊門改增廂房右豎門一座題種花處從西入
以公廡前空餘地種花也思補護以聯訟牒無冤

門外春深長綠草催科有法縣中秋過屢豐年後
堂簷題矢心天日易寅恭為四知題聯智慮聰明
見未到性生有限起居出入念苟私天地難容鼎
新宅門題如水清署有聯澹泊以居三座官衙清
似水欲仁而得四封赤子盍如春宅屋簷題可與
天知一聯為政先勞若內溝中思已任自公退食
無慙屋漏有天知改建左廂房為三間右增一間
樓題寧遠一聯樓聳具瞻求莫目能周蔀屋地當

定襄縣誌

卷之二

建置六

北極凭高手可摘星辰樓下題戴星居自內及外
自堂及舍自上及下靡不去敝更新盡地槩加甃
砌向未開水道按形家法䟽而導之獄東有隙地
相近獄門另蓋屋三舍名輕監以踈羈獄者詳大
修縣治記

旌善亭

缺萬四十四年知縣王立愛捐俸買縣治
前屏墻東邑民杜奇地鼎建今廢

申明亭

舊在縣治前街南萬四十四年知縣王立
愛改建屏墻西與旌善亭相称今廢

賓館

見前

樓

缺萬四十二年知縣
王立愛置鼓城南樓上

鐘樓

缺舊南城樓上有古巨鐘萬餘斤守城民壯以
時撞鳴聲聞三四十里與譙鼓翕應因包甌城

徙於廢署隙地萬四十二年知縣王立愛就
廢署東南隅砌石臺一座建樓懸藏康熙十七

年知縣吳會暉仍
移置南城樓上

胡峪巡檢司

今廢

邊儲倉

今廢

廣濟倉

久廢

預備倉

在察院東門二重上正廩一大座三架東西
各三廩萬初年知縣王濯征安嘉士先後

定襄縣誌

卷之一

建置七

修葺四十二年知縣王立愛增修上正廩三
架各界以墻改中為官廳兩旁為小廩歲久

傾圮康熙四十六年知縣王時炯重修貯里
民每歲捐穀大門外扁懸預備倉倉內舊編

老人一名裁革該吏經管并召募
斗級一名建房四間看守無虞

社會

在南甕城芳蘭鎮橫山村劉暉村雍正三年知
縣王會隆設立舊有七處後并為預備倉

社學

一在南門內西久廢一在察院前西康熙二十
五年知縣趙繼普建正房三間大門一座規制

半傾四十六年知縣王時炯重修東西兩廊有
記見藝文其餘各鄉村社學即在寺觀內

陰陽學

醫學

二學并缺

僧會司

明初設在高蔣村功德寺後改聖壽院內東南萬歷四十三年知縣王立愛移院之東北

按

聖節習儀於寺觀宇內皆然獨定襄從公署演禮萬

年間知縣王立愛捐修佛殿簷製祝聖道場護以聯

佛法空虛百鍊金剛藏世界聖人萬壽一方土宇鞏

皇圖殿中設萬歲牌臺塔如制演禮於此儼如天顏

咫尺也大門內扁懸鄉約所宣揚上諭十六條

道會

無攷

養濟院

在縣東南隅久廢

普濟育嬰二堂

在縣治東小王村二堂並列普濟堂正房四間東房三間門房三間育嬰

旨設立 堂正房三間門房三間雍正三年奉知縣王會隆捐置地畝供給有碑記

定襄縣誌

卷之二

建置八

學校

續志曰襄邑形勝據水經云滹沱水東流聖人阜北

指宜乎文明之象炳炳烺烺英才傑士應運挺生古

者建立庠序敦崇倫紀牖斯民於軌物俾勿失乃恒

性今三年大比擇其秀者升之鄉拔其尤者升之國

其次則貢成均悉由是焉根本之地宜何如培養歟

國朝右文重道視往代為倍隆襄雖偏隅詩書禮樂之

訓翕如也泮壁殿廡之制煥如也文化沾濡絃誦不

絕由茲而講學而習禮而明倫駸駸乎鄒魯之風矣
粵稽儒學宮牆舊在縣治南城外基址荒僻殊非崇
奉

先師至聖之體元大德十年知縣趙德溫重建崔允記
明洪武八年縣丞徐思寧移於今縣治東北正德間
知縣王卿重修改大先師廟嘉靖三季知縣張榮增
飾萬 十二年知縣白璧重修恢拓明倫堂二十二
年知縣劉士麟建賢關坊于明倫堂臺之南界以門

墻儒學門在文廟西與櫺星門平列從未有扁明倫
堂在聖殿後左為日新齋右為時習齋教諭宅在堂
後訓導宅一在日新齋後一在敬一亭後因增修明
倫堂改教諭宅於日新齋後裁革舊訓導宅四十二
年知縣王立愛大加修飾北徙學門二丈四尺許新
懸儒學扁題聯秀氣抱宮墻四獄兩河再見鳳鳥馬
圖之瑞文章呈彩筆拔茅連茹並驅雲龍風虎之交
甬路遍砌甃石西耳門扁龍門東耳門扁鳳穴易賢

關為天池堂簷增扁文明護以聯六經如日月之明
魚躍鳶飛昭察乾坤呈萬象多士應星奎之運蛟騰
鳳起聯翩鱗羽奮青霄又堂聯國家養士儲才忠孝
節義不出庠序學校之範君子立心為己喜怒哀樂
即是天地萬物之樞鼎新題名扁四面堂齋門宅一
竝修葺

文廟舊為大成殿東西兩廡前戟門外東名宦祠西
鄉賢祠中為小泮池前文廟牌坊一座三架三間東

西接以橫牆街中樹屏牆塞中門知縣王立愛改修
文廟坊北徙一丈五尺如制改櫺星門東西橫牆作
八字形街中屏牆徙在舊坊地屏牆東西圍以柵欄
泮池徙而上之亦如櫺星門數更拓深廣戟門扁廟
門殿改先師殿廡各祠悉新如制臺階甬道石砌
啓聖祠在聖殿東路牆東側開一門東入統於櫺
星門內配享無主並祠甚苟簡且傾圯幾盡知縣
王立愛鼎新如制修飾列門南出扁啓聖祠在櫺

星門東前出一步

敬一亭在儒學街西訓導宅前歲久傾頽知縣王立愛鼎新修葺康熙四十六年知縣王時炯恭鐫御製訓飭士子文碑豎立敬一亭內其南隙地數十丈於康熙五十一年新建省牲房一座三楹有記

載藝文

按儒學前望蒙山如端人正笏相對形家善之惟後山稍遠故鄉紳久有建奎閣於明倫堂後之議謀已僉同惟是閣為後勁視聖殿明倫堂必稍高出數尺方為合宜而可稱巋然之雄觀也緣大水

定襄縣誌

卷之二

建置十一

未可一時猝得遂致稽阻守土者屢舉而無可藉手豈盛美將有所待耶

射圃

在啓聖祠前

省牲所

在敬一亭前

祭器

舊器無存

錫大燭臺一對

錫中燭臺二對

錫小燭臺四對

錫簋一件

錫篋一件

錫豆十六座

錫爵二十八箇

錫小爵一百箇
兩廡用

錫酒尊一件

龍冪一副

錫劔一件

木燭臺十對

定襄縣誌

卷之一

建置十二

木豆一百座

以上康熙三十三年知縣楊森捐俸新置生員吳佺監造

大香爐一座

大燭臺一對

大花瓶一對
俱係鐵鑄外加金漆

錫中香爐一座

錫中燭臺一對

錫中花瓶一對

錫豆二十座

錫酒尊二件

錫鋤五件

錫爵三十三個

錫小爵三十個

兩廡用

木豆二百座

以上知縣王時炯捐俸添置生員喬掄監造

書籍

明時藏本頗多今記其現存者

四書大全一部

原二十本現存一十三本

易經大全一部

原一十二本現存七本

定襄縣誌

卷之二

建置十三

書經大全一部

原一十本現存八本

詩經大全一部

原一十一本俱存

春秋大全一部

原一十八本現存一十三本

禮記大全一部

原一十八本現存一十二本

性理大全一部

原三十本現存二十六本

五倫書一部

原六十二本現存三十九本

孝順事實一部

一本

重修舊縣志一部

三本

續修舊縣志一部

四本

重續新縣志一部

四本

儒學田

叁拾叁畝叁分

趙襄子墳餘地

壹頃伍畝玖分柒釐

舊養濟園地

壹頃柒拾餘畝

坐落山鳳上都土名小山前

續志曰學田至義舉也當道且捐鍰金創置况以公地為之於義尤為至當者乎查寧武道瞻學地肆拾肆畝陸分伍厘壹毫坐落城東壹拾肆畝陸分貫家園壹拾伍畝城北壹拾貳畝伍厘壹毫城

西南叁畝共計糧貳石壹斗肆升捌合壹勺捌抄壹撮陸圭壹粒陸粟昉於康熙叁拾捌年間撥入義學尚存趙襄子墳餘地叁拾叁畝叁分又舊養濟園地壹頃伍畝玖分柒釐久為民間侵占柒畝玖分零五十一年知縣王時炯徹底清丈各退還原額又山鳳上都鄉民張桂成等隱無糧地壹頃柒拾餘畝詳追撥入學宮共叁頃壹拾餘畝雖非沃壤每歲募佃播種除葺理殿廡外尚可充本學

月課諸生膳饌之需允為長久計也

義學田

一段壹拾壹畝零 趙襄子墳牆內地

一段壹拾肆畝陸分 城東土名武家圍

一段壹拾伍畝 城東土名貫家園又名春廠坡

一段壹拾貳畝伍厘壹毫 城北土名楊家坡

一段叁畝 城西南坐落庄里村東北

以上四段共地肆拾肆畝陸分伍厘壹毫原糧貳石貳斗叁升貳勺伍抄伍撮除截糧捌升貳

定襄縣誌

卷之二

建置十五

合柒抄叁撮叁圭捌粒肆粟實在糧貳石壹斗肆升捌合壹勺捌抄壹撮陸圭壹粒陸粟

一段陸畝肆分陸厘 土名喬家圍角子地

一段捌畝陸分 土名喬家圍角子地

一段肆畝陸分捌厘叁毫 土名小黑浪口頭

一段陸畝貳分捌厘柒毫 土名王家圍

一段肆畝肆分玖釐 土名郭門子水上地

一段捌畝陸分柒厘 土名喬家圍

一段陸畝捌分貳厘 土名迴鳳後

一段伍畝壹分伍厘 土名廻鳳後

一段陸畝肆分貳厘 土名廻鳳後

一段參畝貳厘 土名風塵凹

以上十段共地陸拾畝陸分俱坐落山鳳下都該徵糧捌斗捌升捌合玖勺

續志曰義學之設所以佐學校之不逮也生徒肄業歷有年所而贍養之典從未有亟問亟餽焉者國朝康熙三十八年間知縣楊森將學田有糧地肆拾肆畝陸分伍厘壹毫並趙襄子墳牆內地

定襄縣誌

卷之二

建置十六

壹拾壹畝零撥入義學逐年正供外所剩無幾何以振興士氣耶五十一年知縣王時炯又將山鳳上都鄉民張桂成等隱糧地陸拾畝陸分該豁監生馮雲路賠糧捌斗捌升捌合玖勺詳撥義學輸納統計前後地共壹頃壹拾餘畝悉屬膏腴募佃耕種歲取其租以助燈火從此絃誦之聲溢於閭巷而淬學勵行之士霞蔚雲蒸其未有艾乎若夫發蒙振瞶則又在諸名俊之敬恭桑梓朝夕訓誨

以無貽後人羞是則余之所惓惓者也

公署

察院

在縣治東北中為堂左茶廳右衣廳堂前棧棚
直指康公丕揚題紀綱中外東西阜隸房頭二

門如制堂後為川堂直指陳公于廷題靜虛
動直楊公師程題端本澄源東牆外為廚房

西牆外為吏書房川堂後為後堂東西各卧
房萬四十二年知縣王立愛增修頭門外

甃砌臺階前堂扁憲護以聯皇華使節斧
持霜到處冰兢瞻烈日按部行春車帶雨一

方雲望見仁天後扁冰玉堂歲久頽
圯康熙四十七年知縣王時炯重葺

分司

一為藩司在東街久廢一為臬司在藩司東歲
久傾圮不能駐節萬四十二年知縣王立愛

定襄縣誌

卷之一

建置十七

議處詳允鼎新修葺門堂阜隸房如制仍增
扁聯堂左增建茶廳堂後院東為吏書房西

為廚房後為寢室
東西兩卧房今廢

按舊分司地勢高起乃儒學後照托屬乾地宜高不
宜低也舊建公署或見及此耳今廢已久業禁止民

間取土議欲建襄子祠於其地前監官廳後監一閣
可備官使駐節以為儒學之後障招僧住持長守勿

壞值諸砌建之役一時未可遽竣遂
爾稽格漫識其端以防士庶取土者

坊楔

古晉昌坊

在縣治前萬四十年知縣王立愛建康
熙五十一年知縣王時炯重修

恩榮坊

進士邢洪在中街南

青雲得路坊

舉人喬震在縣治前西

五馬坊

知州喬震在縣治前西路北

大司成坊

太常寺卿管國子監祭酒事傅新德在中街

少宗伯坊

贈禮部右侍郎傅新德在中街康熙五十一年知縣王時炯助修

恩綸華寵坊

封直隸完縣知縣張燦在中街

蜚英坊

舉人梁綵在儒學前街西

盛世文龍坊

舉人梁綵在南門內

執法名臣坊

舉人鞏良定由知縣陞大理寺評事在縣治前東康熙四十六年知縣王時炯助修

定襄縣誌

卷之二

建置十八

靈壽坊

在察院前街西

紫誥重封坊

貢士喬遷高欽勅陝西三邊監軍道按察司副使殉難潼關在中街前

以上各坊俱現存

天衢坊

在儒學東街口萬 四十三年知縣王立愛重修

雲路坊

在儒學西街口舊為聖域坊萬 四十二年改建

登雲坊

舉人吳昂在南城外西路南又舉人高厚在縣治前西路北

攀龍坊

舉人樊睿在南城外西路北

鵬程坊

舉人楊涓在縣治前西

興詩坊 舉人張偉

世科坊 舉人薄世佑在中街北

立禮坊 舉人張九罍

桂籍傳香坊 舉人喬光大在縣治前西街

世科坊 舉人樊啓東舊在縣治前東萬 四十二年
知縣王立愛改建東街

清華直臣坊 給事中喬光大舊為進士坊在縣治西
萬四十二年知縣王立愛改建東街

鴻臚坊 鳴贊張瓚舊在儒學前街東萬 四十四年
知縣王立愛改建分司西

晉陽鳴鳳坊 舉人劉一貫在儒學前街西

定襄縣誌

卷之二

建置十九

邊陲節鉞坊 叅政鄭友周在察院前

青雲萬里坊 舉人張梧在中街

一鶚橫秋坊 舉人張保民在中街

七賢坊 在芳蘭鎮

節坊 一溫鍾妻喬氏在預備倉巷口 一任堯弼
妻楊氏在苦水井街口 一樊邦教妻張氏

在苦水井街 一趙延祚妻張氏在察院東
一潘廷福女潘小四在察院西 一曹廷輔

女曹小春在
預備倉東

以上各坊俱久廢

續志曰襄在曩時文德武功代不乏人詩書禮樂之澤未嘗息也今

聖天子昭大一統之治士大夫沐浴咏歌騰蹕雲衢者後先接踵宜坊楔之纍纍乎顧世遠年湮頽廢居半余擇其可以整飭者捐俸倡修俾之煥然更新其諸傾圯不復振者僅存其名額亦令其子若孫知典型之未盡泯沒云爾

舖舍

定襄縣誌

卷之二

建置二十

傳遞舖

舊在城總舖司兵四名西路智村舖司兵三名西至忻州段家庄一十五里東至總舖一十五里東路蔣村舖司兵三名西至總舖二十里東至芳蘭鎮十里芳蘭村舖司兵三名東北至五臺河邊村十里西至總舖三十里雍正二年總舖在南關西路智村東路王進村蔣村青石村共五處各建舖房二間并置械器二架每舖各舖司兵五名至雍正四年奉撫憲明文惟總舖舖司兵五名餘各三名晝夜巡防

兵汛舖

在蔣村青石玉池灣王家庄上湯頭下湯頭劉暉中霍共八處雍正二年奉文以兵守汛口或離家遠遠時聚時散難免疎忽每汛口各建營房十間分爲五院石砦一盤撥兵五名挈眷就居督令該弁不時巡查庶無疎忽之虞雍正四年奉憲飭查衝要路口仍令照

舊安札如非衝要止留兵三名防守查定襄
惟蔣村玉池灣路係衝要營兵五名照舊安
札王家庄下湯頭兵
全撤餘皆撤二留三

巡邏舖

舊南關東關智村西邢庄裡西河頭西營蘭
臺王進村師家灣小王村蔣村砂村芳蘭村
各官道間營有土窟遇上司經過二三村夫
執棍坐守過去尋散夜巡絕迹盜賊安得不
充斥乎萬四十二年知縣王立愛各路起
蓋舖房共二十一所上瓦下甎設門窻閉望
置火坑禦寒朔置更籌責令每夜各地方輪
撥鄉夫五名執械鳴鑼宿舖巡守傳遞更籌
至曉方週且奉撫院吳公仁度明文徧植樹
株沿途榆柳成陰間地枣桑茂集一望蒨蔚
漸爲樂土矣按巡邏舖在曩時規制甚善
今承平日久俱經廢墜姑存其名以備參考

定襄縣誌

卷之一

建置又二十

茶房

一在縣治東小王村一在縣治西智村雍正二
年知縣王會隆捐俸修建

續志曰城池縣治學校一邑之規模公署枋楔舖舍
兵防尤 國家之鉅典故建置獨詳至於橋梁爲小
民病涉計亦必列於建置之中所以舒民困濟民艱
也若旅人僕僕風塵勞勞道路寒暑飢渴之狀更有
不忍視者雍正二年知縣王會隆於縣治東西兩路
各建茶房五間以濟行人之渴又捐俸金在智村置
地三畝六分以爲長久之謀或於行旅之往來不無

小補云故於建置中另標一帙以爲繼茲者告

橋梁

滹沱河橋

在高村前小木橋冬架春撤

牧馬河橋

張村鐔村待陽村趙村西酈村智村神出南作村各有小木橋冬架春撤

按沱牧兩水爲邑大利然害亦不小倘春夏雨漲發衝決莫如之何即冬末冰堅春而冰泮各處

木橋多爲漂流民之病涉初非一日矣安得者題建如蔣村襄濟橋然貽萬民無窮之安也

兵防

按襄邑郡北爲僻邑無險可恃且咫尺雁門兵防固宜亟也向無湍汛邇設千總一員駐防營兵八

定襄縣誌

卷之一

建置二十一

十七名藉以捍衛焉

武庫

見縣治久廢

演武場

在西關外嘉靖五年知縣張榮修建演武掌將臺門樓一座詳三園記見藝文年久廢壞

萬十九年知縣劉天復建本亭今圯

按演武場即舊教民園嘉靖五年查丈連箭道共地九十三畝八分五厘見本記久爲民間侵種

四十四年知縣王立愛清出以隆慶年間步丈量共地七十五畝一分五厘除演武亭一畝五

分七厘亭階下官道一畝七分將臺五分共地三畝七分七厘公占外其餘七十一畝四分三厘又

爲民間侵首伍十四畝零僅存二十一畝厘熙五十一一年知縣王時炯清丈詳復原額七十五

畝壹分伍釐且四至俱有渠路與民地無交錯仍
召佃承種納租除辦糧外其有贏餘貯為各壇並
演武亭修建之費碑
暨治前並見藝文

草場

在城隍廟西久廢康熙五十一年知縣王時
炯清丈實在地一畝二分二厘七毫

民壯

伍拾名工食銀兩載在田賦內

軍器

按舊志開載軍器頗多今承平日久不惟數目紕
繆即一二名色亦溷淆莫能辨識如佛朗機有大
小單連等式樣而郡志又以鳥銃為第一視佛朗
機為較遠今皆無可攷惟大小將軍炸炮等閱實
若干位件存貯
以備參訂而已

定襄縣誌

卷之一

建置二十二

有字將軍炮

十三位

無箍獨眼炮

二百九十六
杆

大將軍炮

十三位

有箍獨眼炮

三十八杆

二三將軍炮

八位

有火盤小獨眼炮

二十六
杆

牛腿大炮

三位

有火盤大獨眼炮

十五杆

牛腿中小炮

十位

有火盤雙眼炮

九杆

中小炮

十四杆

三眼鎗

五杆

炸炮

一百六十二箇

鐵子

大小三十一顆

拐角炮

十一杆

大刀

一口

古嶺公炮 二杆

破盔 三頂

以上俱貯二門外西廂房

大南門城上炮 四位

小南門城上炮 四位

東門城上炮 四位

西門城上炮 五位

定襄縣誌

卷之二

建置二十三